

Exempel recht vnd wol anzustellen vnd zuführen/Wenn wir das Himmelreich/ansenglich zwar alhier auff Erden das Gnadenreich in der Christlichen Kirchen erlangen/vnd denn das Reich der ewigen Herrlichkeit vnd Himmlischen Freude in Christo mit allen gleubigen einnehmen vnd besitzen wollen. Wie wir denn von solchen fürnehmlichen requisiris vnd herrlichen Tugenden darnach in der Application weiter vernemen sollen.

Endlichen zum 4. beschleust vnd applicirt der Herr gar fein / seine mit der that vnd rede gegebene antwort auff der Jünger frage & Sprechende: Wer sich nun selbestē niedriget wie dis Kind/der ist der größte im Himmelreich.

Darinnen er gleichsam *δέσπ* transfert ad *ὑπόθεσιν*, Wie die Jünger vnd alle ware Christen an gegenwertigem Kinde / so wol die Christliche demut im Leben / als die rechte einfalt des Glaubens studiren vnd lernen sollen.

Es braucht auch der Herr ein sonderlich particulam demonstrandi, ( wie dis Kind ) unsere träge faule Herzen zum guten / damit auffzumuntern / vnd die Kinder als Christliche Doctores wol vnd fleissig zubeschawen/ Nicht zwar das wir in Weltlichem vnderstande vnd Kindischen anschlegen ihnen sollen nachfolgen vnd gleich werden/ Sondern viel mehr die schönen vnd herrlichen Tugenden ihnen abzulernen / Damit vnser Christenorden nicht allein eusserlich werde gezieret / Sondern auch wir erfahren können / wie man in demselben vnserm lieben Gotte wolgefellig leben möge. Denn ob wol auch die weysen Helden / so wol alle Menschen wissen von

6. Conclusio seu applicatio responsionis Christi in qua thesin transfert ad hypothesein. Huic additur  
1. Intētio per particulā demonstrādi.  
2. Finis, quo hæc doctrina tendat.  
3. Collatio virtutum respectu Ethnicorū.

E

Natur